

**ԵՐԵՎԱՆԻ ԱՎԱԳԱՆՈՒ
ԲԱՐԳԱՎԱՃ ՀԱՅԱՍՏԱՆ ԽՄԲԱԿՑՈՒԹՅԱՆ
ԱՆԴԱՄ ՊԱՐՈՆ Մ. ՀԱՐՈՒԹՅՈՒՆՅԱՆԻՆ**

Հարգելի պարոն Հարությունյան.

Ի պատասխան Ձեր **19.12.2018թ. 01/24Մ** գրության՝ տեղեկացվում է.

Բազրատունյաց փողոցի և Արտաշեսյան պողոտայի խաչմերուկի վերգետնյա հետիոտնային անցումը կառուցվել է Երևանի քաղաքապետարանի **2013** թվականի ծրագրերի շրջանակներում՝ «Երևաննախագիծ» ՓԲ ընկերության կողմից մշակված նախագծանախահաշվային փաստաթղթերի հիման վրա: Նշված անցումը կառուցվել է Բազրատունյաց փողոցի և Արտաշեսյան պողոտայի խաչմերուկի իյիստ ծանրաբեռնվածության պատճառով՝ քաղաքացիների տեղաշարժի անվտանգությունն ապահովելու նպատակով: Մինչև վերգետնյա անցումի կառուցումը, Երևանի քաղաքապետարանում կայացել են հանրային քննարկումներ, որի ժամանակ բնակիչների հետ ձեռքբերված պայմանավորվածության արդյունքում՝ բնակիչների մեծամասնությունը տվել է իր համաձայնությունը: Ձեռքբերված պայմանավորվածությունները եղել են բանավոր բնույթի և Երևանի քաղաքապետարանում գրավոր համաձայնագրեր կամ համապատասխան փաստաթղթեր առկա չեն: Բազրատունյաց փողոցի և Արտաշեսյան պողոտայի խաչմերուկի վերգետնյա հետիոտնային անցումն ապամոնտաժելու և Ա.Տիգրանյանի անվան երաժշտական դպրոցի հարակից հատվածում կառուցելու առաջարկը ծախսատար է, քանի որ անհրաժեշտություն կառաջանա նաև ապամոնտաժելու նշված տարածքում գործող տաղավարները:

Ինչ վերաբերում է վնասի հատուցմանը, տեղեկացվում է, որ «Վարչարարության հիմունքների և վարչական վարույթի մասին» օրենքի **96**-րդ հոդվածով սահմանված է վնասի հատուցման նախապայման, այն է՝ վնասի հատուցում չի իրականացվում, քանի դեռ վարչական մարմնի իրավական ակտը, գործողությունը կամ անգործությունը, որով անձին վնաս է հասցվել, սահմանված կարգով ոչ իրավաչափ չի ճանաչվել:

ԵՐԵՎԱՆԻ ՔԱՂԱՔԱՊԵՏԱՐԱՆ